



**AKT THEMELIMI
I SHOQERISË ME PËRGJEGJËSI TË KUFIZUAR
“HE-IN INVEST” SHPK**

Në Tiranë, sot më datë 10.10.2022, Ariola Hysa me atësi Gani lindur në Tiranë më 31 maj 1994, vendbanim në Tiranë, shtetasi Shqiptare, identifikuar përmes Leternjoftim me numer personal J45531037R, madhore dhe me zotësi te plotë për të vepruar në cilësinë e “Ortakut të Vetëm”, mbështetur në Kushtetutën e Republikës së Shqipërisë dhe Kodin Civil në fuqi, në ligjin “ Për Qëndrën Kombëtarë të Regjistrimit”, në ligjin “Për Shoqëritë Tregëtarë”, në Kodin Doganor, Fiskal e Tatimor, kam vendosur themelimin e shoqërisë tregtare, me përgjegjësi të kufizuar, me emertimin “HE-IN INVEST” shpk.

**TITULLI I
EMERTIMI, FORMA JURIDIKE, OBJEKTI, KOHËZGJATJA,
SELIA, DHE HAPËSIRA NË INTERNET**

**NENI 1
ORTAKU THEMELUES**

Ariola Hysa me atësi Gani lindur në Tiranë më 31 maj 1994, vendbanim në Tiranë, shtetasi Shqiptare, identifikuar përmes Leternjoftim me numer personal J45531037R, madhore dhe me zotësi te plotë për të vepruar në cilësinë e “Ortakut të Vetëm”, mbështetur në Kushtetutën e Republikës së Shqipërisë dhe Kodin Civil në fuqi, në ligjin “ Për Qëndrën Kombëtarë të Regjistrimit”, në ligjin “Për Shoqëritë Tregëtarë”, në Kodin Doganor, Fiskal e Tatimor, kam vendosur themelimin e shoqërisë tregtare, me përgjegjësi të kufizuar, me emertimin “ HE-IN INVEST ” shpk.

**NENI 2
EMERTIMI**

Emërtimi i shoqërisë me përgjegjësi të kufizuar është “HE-IN INVEST” shpk.

**NENI 3
FORMA JURIDIKE**

Shoqëria “HE-IN INVEST” shpk është person juridik i të drejtës shqiptare, shoqëri me përgjegjësi të kufizuar (më poshtë e quajtur “Shoqëria”).

Shoqëria fiton personalitetin juridik pasi të jetë regjistruar në Qendren Kombëtare të Biznesit

Shoqëria “HE-IN INVEST” shpk është një e tillë, kapitali i së cilës ndahet në 1 kuotë dhe që themelohet nga ortaku i vetëm.

**NENI 4
OBJEKTI**

Shoqëria do të zhvillojë aktivitetet që lidhet me Fushën Energjitike si: Projektimin, konsulencën, financimin, ndërtimin, prodhimin, zbatimin dhe/ose investimin me fonde publike dhe/ose jopublike për veprat në lidhje më fushën energjitike dhe telekomunikacionit. Prodhimi energjise elektrike duke shfrytëzuar burimet të cilat gjenden në natyrë. Studimi, projektimi dhe zbatimi i cdo Impianti të cilat bëjnë të mundur shfrytëzimin e energjise që gjenden në natyrë dhe që janë të rinovueshme. Shitja e energjisë elektrike klientëve apo/dhe blerja e energjisë elektrike nga operatore të ndryshëm privat apo shtetëror brënda dhe jashtë vendit.

Shoqëria do të zhvillojë aktivitetet që lidhet me Fushën e Ndërtimit si: Sipërmarrjen zbatuese dhe/ose investimin, për realizimin me fonde publike dhe/ose jopublike të veprave publike dhe/ose private për



ndertimin e ndërtesave publike dhe private, rrugëve, urave, tuneleve, mbikalimeve e nënkalimeve, autostradave, traseve hekurudhore, dhe të gjitha veprave të tjera madhore, ujësjellesave. Ndërtimin dhe rehabilitimin e veprave ujitëse, centralet, objektet turistike, objektet ushtarake, objektet e kultit, rrjetet inxhinierike, portet, aeroportet objektet industriale, të gjitha restaurimet në përgjithësi, rikonstruksione të veprave të artit, montimet e konstruksioneve metalike;

Shoqëria do të zhvillojë aktivitetet në fushën e tregëtisë së pasurive të luajtshme e të paluajtshme, shitjen dhe/ose blerjen dhe/ose dhënien me qira të tyre.

NENI 5 KOHEZGJATJA

Shoqëria do te zhvilloje aktivitetin e saj per nje periudhe kohore te papercaktuar, duke filluar nga data e regjistrimit ne Qendren Kombetare te Regjistrimit.

NENI 6 SELIA, HAPËSIRA NË INTERNET DHE ADRESA ELEKTRONIKE

- (1) Shoqëria e ka selinë e regjistruar në adresën: Tiranë, Njësia Administrative Nr. 11, Rr. Lord Bajron, Ndertesa Nr. 14.
- (2) Shoqëria mund të zhvillojë veprimtarinë e saj ekonomike në të gjithë territorin e Shqipërisë si edhe jashtë saj duke hapur degë dhe / ose zyra përfaqësimi, filiale, agjenci etj. në qendra të tjera administrative në përputhje me legjislacionin e vendeve në të cilat ato hapen.

TITULLI II KAPITALI

NENI 7 SHUMAT DHE PAGESAT E KAPITALIT THEMELTAR

Kapitali themeltar i shoqërisë është 100 (një qind) lekë dhe është i ndare në 1 kuotë. Kontributi i ortakut të vetëm në kapitalin e shoqërisë është 100 (një qind) lekë, 1 (një) kuotë, me 100 (njëqind) % pjesëmarrje në kapitalin e vet shoqërisë. Kapitali do të shlyhet menjëherë pas regjistrimit të shoqërisë në Qendrën Kombëtare të Biznesit.

NENI 8 TË DREJTAT DHE DETYRIMET E THEMELUESIT

- (1) Interesat pronësore që mund të quhen “kuotë” në shoqërinë me përgjegjësi të kufizuar janë njësitë në bazë të cilave bëhet ndarja e pronësisë në shoqëri.
- (2) Një interes pronësor në shoqërinë me përgjegjësi të kufizuar është pronë personale e pronarit dhe mund të bartet pjesërisht ose në tërësi, varësisht nga kufizimet e parapara në Statut dhe kufizimet e tjera të përcaktuara në Marrëveshjen e shoqërisë.
- (3) Themeluesi i shoqërisë është përgjegjës për të gjitha borxhet e shoqërisë dhe detyrimet e tjera me të tëra asetet.
- (4) Themeluesi do të ndërmarrë veprime në emër të shoqërisë me përgjegjësi të kufizuar duke bërë hapjen e xhirrologarive bankare, blerjen dhe dhënien me qira të pronës, lidhjen e kontratave ose ndërmarrjen e detyrimeve tjera është përgjegjës për pretendimet dhe detyrimet që lindin si rezultat i këtyre veprimeve.
- (5) Çdo ortak (në rast se numri tyre në të ardhmen do të bëhet më shumë se një), ka të drejtën e pjesëmarrjes në fitimet e shpërndashme të shoqërisë dhe përfiton proporcionalisht me shumën e aksioneve që zotëron.



NENI 9

KALIMI I KUOTAVE ME KONTRATË

- (1) Kontrata e kalimit të kuotës bëhet me shkrim dhe në bazë të formaliteteve të vendosura nga Ortaku dhe në përputhje parashikimet ligjore. Kalimi i kuotës i njoftohet shoqërisë.
- (2) Asambleja e ortakëve me vendim të kualifikuar mund të mos pranojë që administratorët/i të regjistrojnë kalimin e kuotës pranë QKB-së nëse kuota objekt i shitjes nuk ka qenë shlyer tërësisht në kapitalin e shoqërisë.
- (3) Nëse Asambleja nuk pranon të regjistrohet kalimi i kuotës, administratorët/i brënda një muaji pas datës në të cilën është bërë kërkesa për regjistrimin e kalimit në shoqëri, i dërgojnë blerësit njoftimin për mospranimin.
- (4) Nëse pjesa e kapitalit themeltar i transferohet personave të tretë që nuk bëjnë pjesë në shoqëri, transferimi do të kryhet me vendim të ortakut të vetëm ose me vendim të kualifikuar të ortakëve të shoqërisë (me 3/4) dhe pasi të jetë ezauruar ushtrimi i së drejtës së parablerjes nga ortakët ekzistues (në rast se numri tyre në të ardhmen do të bëhet më shumë se një).

NENI 10

KALIMI PËRMES TRASHËGIMISË OSE FALIMENTIT

- (1) Nëse ortaku i vetëm vdes trashëgimtarët e tij janë të vetmit persona të cilët shoqëria i njeh si titullarë të kuotës të tij.
- (2) Personi që fiton të drejtën mbi një kuotë si pasojë e vdekjes ose falimentimit të ortakut mundet që, pas paraqitjes së provave të kërkuara nga Administratorët, të vendosë ose të bëhet zotërues i kuotës ose të kërkojë që si zotërues i kuotës të regjistrohet një person tjetër i caktuar prej tij. Nëse vendos të bëhet zotërues vetë, ai e njofton shoqërinë në lidhje me këtë. Nëse vendos që të kërkojë që si zotërues i kuotës të regjistrohet një person tjetër, ai shfrytëzon një instrument të kalimit të kuotës të ky person tjetër.

NENI 11

ZMADHIMI DHE ZVOGËLIMI I KAPITALIT

- (1) Asambleja e Përgjithshme mund ta zmadhojë kapitalin, me vendim të ortakut të vetëm. I njëjti vendim kërkohet edhe kur zmadhimi i kapitalit ka si qëllim t'u japë mundësi ortakëve të rinj të hyjnë në shoqëri.
- (2) Me anë të vendimit të ortakut të vetëm, shoqëria mund ta zvogëlojë kapitalin e vet.

TITULLI III

ORGANET DREJTUESE TE SHOQERISË

Organet drejtuese të shoqërisë janë :

1. Asambleja e Përgjithshme
2. Administratori.

ASAMBLEJA E PËRGJITHSHME

NENI 12

TË DREJTAT DHE DETYRIMET

1. Asambleja e përgjithshme është përgjegjëse për marrjen e vendimeve për shoqërinë për çështjet e mëposhtme:
 - a) përcaktimin e politikave tregtare të shoqërisë;
 - b) ndryshimet e statutit;
 - c) emërimin e shkarkimin e administratorëve;
 - ç) emërimin e shkarkimin i likuiduesve dhe të ekspertëve kontabël të autorizuar;
 - d) përcaktimin e shpërblimeve për personat e përmendur në shkronjat "c" dhe "ç" të kësaj pike;



- dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- e) miratimin e pasqyrave financiare vjetore dhe të raporteve të ecurisë së veprimtarisë;
- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tyre;
- g) përfaqësimin e shoqërisë në gjykatë dhe në procedimet e tjera ndaj administratorëve;
- gj) riorganizimin dhe prishjen e shoqërisë;
- h) miratimin e rregullave procedurale të mbledhjeve të asamblesë;
- i) çështje të tjera të parashikuara nga ligji apo statuti.
2. Asambleja e përgjithshme merr vendime për çështjet e përcaktuara në shkronjat “e” dhe “ë” të pikës 1 të këtij neni, pas marrjes dhe shqyrtimit të dokumenteve përkatës.
3. Të drejtat dhe detyrimet e asamblesë së përgjithshme ushtrohen nga ortaku i vetëm. Të gjitha vendimet e marra nga ortaku i vetëm regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Duhet regjistruar në veçanti, por pa u kufizuar në to, vendimet për:
- a) miratimin e pasqyrave financiare vjetore dhe të raporteve të ecurisë së veprimtarisë;
- b) shpërndarjen e fitimeve vjetore dhe mbulimin e humbjeve;
- c) investime;
- ç) vendimet për riorganizimin dhe prishjen e shoqërisë.

NENI 13

MBLEDHJA E ASAMBLESË SË PËRGJITHSHME

- (1) Administratori/ët mund të thërrasë/in mbledhjet e Asamblesë së Përgjithshme kur mendohet si e arsyeshme dhe sa herë ta kërkojë ortakët (në rast se numri tyre ne te ardhmen do të bëhet më shumë se një) në përputhje me Nenin 83 dhe 84 të Ligjit dhe sa herë Mbledhja është e nevojshme për të mbrojtur interesat e shoqërisë. Mbledhja e zakonshme e Asamblesë së Përgjithshme thirret të paktën 1 herë në vit sipas Nenit 82 të Ligjit.
- (2) Mbledhja e Asamblesë së Përgjithshme thirret me anë të një letre ose një mesazhi me postë elektronike që i drejtohet secilit prej ortakëve (në rast se numri tyre ne te ardhmen do të bëhet më shumë se një), përfshirë edhe përfaqësuesin e kuotave në zotërim të përbashkët. Njoftimi duhet të bëhet të paktën shtatë ditë të plota pune përpara mbledhjes, por kjo periudhë mund të jetë edhe më e shkurtër nëse këtë e aprovojnë shumica e ortakëve (në rast se numri tyre ne te ardhmen do të bëhet më shumë se një) që zotërojnë jo më pak se 80 % të vlerës nominale të kuotaës. Secilit ortak, së bashku me njoftimin për mbledhjen, i cili duhet të përmbajë vendin, datën dhe orën e Mbledhjes si edhe Rendin e ditës për të mundësuar pjesëmarrjen dhe votimin në mbledhje.
- (3) Kur asambleja e përgjithshme nuk është thirrur sipas pikës 1 dhe 2 të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë (në rast se numri tyre ne te ardhmen do të bëhet më shumë se një).
- (4) Ortakët, (në rast se numri tyre ne te ardhmen do të bëhet më shumë se një) të cilët përfaqësojnë të paktën 5 për qind të totalit të votave në asamblenë e përgjithshme të shoqërisë, apo një pjesë më të vogël, mund t'i drejtojnë administratorëve një kërkesë me shkrim, përfshirë postën elektronike, për të thirrur asamblenë e përgjithshme dhe/ose përfshirjen e çështjeve të posaçme në rendin e ditës. Kërkesa duhet të përmbajë arsyet, objektivat dhe çështjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë ta thërrasin asamblenë dhe të caktojnë çështjet e rendit të ditës, në përputhje me nenin 83 të ligjit.

NENI 14

PUNIMET E Mbledhjes së Asamblesë së Përgjithshme



(1) Punimet e mbledhjes së Asamblesë së Përgjithshme nuk mund të fillojnë nëse nuk është i pranishëm kuorumi i parashikuar në Nenin 86 të Ligjit (në rast se numri tyre ne te ardhmen do të bëhet më shumë se një). Ortakët ose zotëruesit e autorizimit të votimit mund të jenë të pranishëm përmes mjeteve elektronike, përfshirë telekonferencën, qoftë kjo përmes lidhjes me audio ose përmes lidhjes me audio dhe video, sipas Nenit 88. Ortakët që marrin pjesë përmes mjeteve elektronike kanë të drejtë të votojnë për mbledhjen e Asamblesë së Përgjithshme.

(2) Pavarësisht nëse është apo jo ortak, Administratorit i lejohe të marrë pjesë dhe në mbledhjet e Asamblesë së Përgjithshme.

(3) Vendimet që duhen miratuar përmes votimit të Asamblesë merren me votë të hapur, nëse, përpara ose gjatë deklarimit të rezultatit, nuk është kërkuar në mënyrë të rregullt një votim i fshehtë. Votimin e fshehtë mund ta kërkojë një ortak ose disa ortakë që përfaqësojnë jo më pak se 20% të votave gjithsej të asamblesë së shoqërisë (në rast se numri tyre ne te ardhmen do të bëhet më shumë se një).

NENI 15 E DREJTA E VOTËS

(1) Kuota e shoqërisë me përgjegjësi të kufizuar zotërohet nga ortaku i vetem ose më shumë persona në rast se numri tyre ne te ardhmen do të bëhet më shumë se një. Personat që zotërojnë një kuotë të kapitalit të shoqërisë me përgjegjësi të kufizuar, bien dakord ndërmjet tyre për ndarjen e të drejtave e të detyrimeve që rrjedhin nga kjo kuotë, në përputhje me perqindjen e vlerës së kapitalit.

(2) Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër (në rast se numri tyre në të ardhmen do të bëhet më shumë se një) apo nga një person i tretë.

(3) Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, sipas nenit 87 të këtij ligji, ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike, sipas parashikimeve të pikës 3 të nenit 88 të ligjit.

(4) Nëse asambleja e përgjithshme nuk mund të mbledhet për shkak të mungesës së kuorumit (në rast se numri tyre në të ardhmen do të bëhet më shumë se një), asambleja mbledhet përsëri jo më vonë se 30 ditë, me të njëjtin rend dite.

(5) Në rast se numri tyre në të ardhmen do të bëhet më shumë se një Ortaku nuk mund të ushtrojë të drejtën e votës nëse asambleja e përgjithshme merr vendim për:

- a) vlerësimin e veprimtarisë së tij;
- b) shuarjen e ndonjë detyrimi në ngarkim të tij;
- c) ngritjen e një padie ndaj tij nga shoqëria;
- ç) dhënien ose jo të përfitimeve të reja.

NENI 16 HETIMET E POSAÇME

Personi ose personat që plotësojnë kushtet për të kërkuar emërimin ose zëvendësimin e një audituesi të posaçëm sipas Nenit 91 të Ligjit e bëjnë një kërkesë të tillë përmes depozitimit në selinë e shoqërisë të një dokumenti së bashku me një deklaratë noteriale e cila vërteton se personi ose personat i plotësojnë kushtet për këtë veprim.

TITULLI IV ADMINISTRATORI

NENI 17 EMËRIMI I ADMINISTRATORIT



- (1) Asambleja e Përgjithshme emëron një ose më shumë persona fizikë si administrator/ë të shoqërisë për një afat të caktuar (jo më shumë se 5 vjet) me të të drejtë rizgjedhjeje sipas Nenit 81 paragrafi (1) pika 3 dhe Nenit 95 të Ligjit. Emërimi i nënshtrohet individualisht një vendimi të zakonshëm i cili, nëse miratohet, pas-sjell zgjedhjen e personit të propozuar si administrator.
- (2) Kufizimet në lidhje me emërimin e administratorëve parashikohen në Nenin 95 paragrafi (2) të Ligjit.
- (3) Administrator i shoqërisë emërohet për një periudhë 5 (pese) vjecare është Ariola Hysa me atësi Gani lindur në Tiranë më 31 maj 1994, vendbanim në Tiranë, shtetasi Shqiptare, identifikuar përmes Leternjoftim me numer personal J45531037R, madhore dhe me zotësi të plotë për të vepruar.
- (4) Nëse kërkohe shtimi i numrit të Administratoreve, kjo mund të behet me kerkese të se paku një ortaku pavarsisht numrit të kuotave që zoteron aksioneri. Gjithashtu edhe emërimi i Administratorit të dyte miratohet nga asambleja me vote të se paku një aksioneri pavarsisht numrit të kuotave që zoteron aksioneri.
- (5) Asambleja e përgjithshme mund të shkarkojë Administratorin në çdo kohë me shumicë të thjeshtë votimi.

NENI 18

KOMPETENCAT E ADMINISTRATORIT

- (1) Veprimtaria tregtare e shoqërisë administrohet nga Administratori i cili mund t'i ushtrojë të gjitha kompetencat e shoqërisë që nuk i janë rezervuar Asamblesë së Përgjithshme nga Neni 81 i Ligjit.
- (2) Veprimtaria e administratorit duhet të udhëhiqet dhe t'i përmbahet politikave tregtare të vendosura nga asambleja e përgjithshme.
- (3) Administratori mund t'ua delegeje kompetencat e tij komiteteve që përbëhen nga një ose më shumë Administratorë. Një delegim i tillë mund të bëhet në varësi të kushteve që mund të vendosin Administratorët dhe mund të revokohen ose të ndryshohen. Administratorët nuk mund të delegojnë asnjërin prej detyrimeve të cilat ua ngarkon ligji.
 - A) Të kryejë të gjitha operacionet financiare dhe/ose tregtare, aktive dhe pasive në lidhje me operacionet që janë të përfshira në objektin e shoqërisë duke marrë angazhimet dhe kryerjen e formaliteteve të nevojshme, duke përfshirë dënimin e dorezanive, gjithçka në kufijtë e sa është parashikuar me sipër ;
 - B) Të sigurojë për llogari, në emër dhe në interes të shoqërisë në marrjen dhe tërheqjen e të gjitha shumave dhe vlerave që i detyrohen shoqërisë për çfarëdo shkaku nga çfarëdo person, si edhe nga administratat e Shtetit dhe nga organet e pushtetit lokal dhe në përmbajtjen e mandateve që janë emetuar ose që do të emetohen në të ardhmen, pa kufizime kohore, në favor të shoqërisë për çfarëdo shume të kapitalit ose interesa që i detyrohen asaj nga administratat e sipërpervendura dhe nga zyrtarët dhe institutet e mësipërme, si në likuidim të depozitave të bera nga vetë shoqëria, ashtu edhe për çfarëdo shkaku ose titulli, të leshojë në emër të shoqërisë deklarata përkatëse të faturave dhe të shkarkimit dhe në përgjithësi të gjitha deklaratat që mund të kërkojnë për përmbajtjen e seciles prej praktikave duke përfshirë edhe ato të përjashtimit të zyrtarëve, administratave dhe institutëve të mësipërme nga përgjegjësia në lidhje me to ;
 - C) Të përfaqësojë shoqërinë, në mënyrë aktive ose pasive, përpara çdo autoriteti gjyqësor, administrativ, fiskal, në çdo procedurë, në çdo shkallë të gjyqimit, si në Shqipëri ashtu dhe jashtë saj, me të drejtën për të nënshkruar çdo akt ose dokument të nevojshëm sipas rastit, personalisht ose duke ndjekur formalitetet përkatëse pra edhe me lëshimin e prokurave, mandateve të veçantë për avokatë, mbrojtës, të përgjithshme dhe për mosmarrëveshje;
 - D) Të lëshojë ose të revokojë mandate të avokatëve dhe mbrojtësve dhe punonjësve të shoqërisë ose të tretëve për një ose më shumë veprime, në kuadër të kompetencave përkatëse;
 - E) Të paguajë kambiale, xhiroje, paguajë dhe njohe ceqe bankare, kambiale dhe çdo lloj titulli kredie, dergesa të hollash me poste të pagueshme në përgjithësi pranë çdo personi fizik ose juridik;



- F) të çelë llogari rrjedhëse bankare, të kryejë tërheqje parash, të japë dispozita të pagesës, të firmosë çeqe që të kenë vlerë tek këto llogari rrjedhëse, edhe të zbuluar, në kufijtë e besueshmërisë së atij momenti (overcover), të verifikojë këto llogari rrjedhëse dhe të miratojë llogarinë;
- G) të punësojë, të pezullojë, të pushojë nga puna dhe të ndryshojë kushtet që lidhen me marrëdhënien e punës së personelit;
- H) të ndërveprojë me Entet e Administratës Publike për çdo negociim që lidhet me oferta, projekte, pjesëmarrje, gjithnjë brenda kufijve të parashikuar nga objekti i shoqërisë;
- I) Te marre masa per llogari, ne llogari, ne emer dhe ne interes te shoqerise per krijimin e Shoqerive te Perkohshme te Siperarrjeve, ne cilesine e shoqerise te perfaqesuar ose perfaqesuese, per projekte qe jane te perfshire ne objektin e shoqerise ;
- J) të lëshojë ekstrakte të borderove dhe vërtetime që lidhen me personelin, si për entet e sigurimeve shoqërorore, ashtu dhe për ente të tjera ose private; të kujdeset për respektimin e përbushjeve ndaj të cilave shoqëria është e detyruar me të drejtën për të nënshkruar deklarata tatimore që kanë lidhje me mbajtjet nga të ardhurat e punës së varur ose autonome që janë përdorur;
- K) të nënshkruajë deklarata fiskale në lidhje me taksat dhe tatimet në përgjithësi, si dhe çdo akt ose certifikatë të parashikuar nga legjislacioni fiskal në fuqi, të kërkojë rimbursime dhe lehtësime nga taksat dhe tatimet, të përfaqësojë shoqërinë përpara organeve të administratës fiskale dhe pranë komisioneve tatimore të çdo shkalle, me të drejtën për të emëruar mbrojtës të posaçëm;
- L) të përfaqësojë shoqërinë pranë organeve publike, tatimore dhe administrative, edhe me qëllim fitimin e konçesioneve, liçencave dhe lejeve, duke emëruar, nëse është e nevojshme edhe mbrojtës të posaçëm;
- M) të nënshkruajë komunikimet e bankës mbi kryerjen e akreditimit dhe borxhit në llogari rrjedhëse dhe ekstrarakte periodike të llogarive rrjedhëse për vartësit e shoqërisë për shumat e depozituara pranë saj;
- N) të nënshkruajë kontrata shitblerje të mallrave dhe shërbimeve, në kufijtë e objektit të shoqërisë;
- O) të mbajë dhe të nënshkruajë korrespondencën e shoqërisë;
- P) të emërojë të perfaqesues të posaçëm për të tërhequr vlera, letra postale, pako, letra rekomande dhe të siguruara pranë zyrave postale dhe telegrafike;
- Q) të tërheqë vlera, letra postale, pako, letra rekomande dhe të siguruara pranë zyrave postale dhe telegrafike;
- R) të kryejë çdo formalitet për firmosjen e një akti dhe operacioni pranë zyrave të postës dhe telegrafit;
- S) të kryejë çdo formalitet për firmosjen e një akti dhe operacioni pranë zyrave pranë zyrave hekurudhore, doganore, të postelegرافit dhe në përgjithësi pranë çdo zyre publike dhe private të transportit, me kompetencën për të leshuar deftesat perkatese të lirim, deklaratat e shkarkimit dhe lejimit të detyrimit dhe dërrimit nga detyrimi;
- T) të përfaqësojë shoqërinë në zhvillimin e të gjitha praktikave që kanë të bëjnë me veprimtarinë e importit dhe eksportit;
- U) transmetimin e dokumentave, të dhënave dhe njoftimeve;
- V) të ndërtojë, të përfundojë dhe të administrojë marrëdhënie bankare, duke rënë dakort mbi afatet dhe kushtet;
- W) të kryejë çdo formalitet për firmosjen e një akti dhe/ose dokumenti me qëllim depozitimin e akteve dhe dokumenteve të shoqërisë pranë Gjykatës, Dhomës së Tregtisë, Zyrave Fiskale dhe Enteve të tjera;
- X) të përfaqësojë shoqërinë në asamblatë e shoqërive të tjera, shoqatave, konsorciumeve dhe në marrëdhëniet me këto ente, organet e tyre dhe ortakët ose të asociuarit e tyre, dhe të emërojë përfaqësues ad negocia;



Y) t'i japë ekzekutim, në kufijtë e kostos së parashikuar nga planbiznesi dhe nga buxheti i shoqërisë, i miratuar paraprakisht nga Asambleja e Ortakëve, investimeve dhe veprimtarive të parashikuara në to;

Z) të delegojë me mandat dhe/ose prokurë sa i takon kompetencave të tij. Perdorimi i firmes dhe perfaqesimi para te treteve i perket edhe secilit prej përfaqësuesve në kufijte e kompetencave që u janë dhene atyre.

AA) Administratori është i detyruar që për çdo veprim të tij në funksion të ushtrimit të detyrës, të informojë me shkrim në mënyrë elektronike në një nga adresat e konfirmuara, aksioneret.

BB) Administratori ka të drejtë të paraqitet pranë çdo zyre noteriale, të lidhë, të nënshkruajë, të revokojë, të lidhë çdo lloj veprimi juridik dhe akti noterial, kontratë hipotekore, depozitë, qira financiare, kontratë shitje, dhurimi si dhuruese apo si pranues, deklaratë heqje dorë, kontrate sipërmarrje për marrje prone për ndërtim dhe revokim të saj, kontratë kalim të drejtash, kontratë sipërmarrje, aneks kontratë sipërmarrje apo Kontratë shkëmbimi në emër të shoqërisë dhe çdo kontrate tjetër të parashikuar nga Kodi Civil, me qëllim tjetërsimin dhe administrimin e pasurive të luajtshme dhe të paluajtshme dhe të drejtat reale që rrjedhin prej tyre, me qëllim shitjen, blerjen, dhurimin, pjestimin, ndarjen, bashkimin, dhënien në huapërdorje, shkëmbimin, dhënien me qira, hipotekimin, lënien peng, kreditim dhe çdo veprimi tjetër juridik pa kufizim, me objekt çdo pasuri të tashme dhe mbi pasuri të ardhshme të luajtshme apo të paluajtshme në emrin shoqërisë.

NENI 19

SHKARKIMI DHE LARGIMI I ADMINISTRATORËVE

(1) Funkzioni i Administratorit lirohet nëse:

1. pushon së qeni Administrator në bazë të dispozitave të Ligjit përfshirë Nenin 95 paragrafi (6).
2. vuan ose mund të vuajë nga çrregullime mendore;
3. jep dorëheqjen përmes një njoftimi që i bën shoqërisë; ose
4. ka munguar për më shumë se gjashtë muaj radhazi pa lejen e Administratorëve të tjerë në mbledhjet e administratorëve të mbajtura gjatë kësaj periudhe dhe Asambleja e Përgjithshme, me propozim të Administratorëve të tjerë, vendos ta shkarkojë nga detyra;
5. Me kerkese, se paku të njerit prej administratorëve, kerkohet dhe vendoset shkarkimi i tij edhe me kerkese të pamotivuar.

NENI 20

SHPËRBLIMI I PUNËS, PËRFITIMET E TJERA DHE SHPENZIMET E ADMINISTRATORËVE

(1) Administratori ka të drejtë të marrë shpërblim për punën e tij, sipas vendimit të zakonshëm të Asamblesë së Përgjithshme të marrë në përputhje me Nenin 97 të Ligjit.

(2) Administratorëve u paguhen të gjitha shpenzimet e udhëtimit, qëndrimit apo të tjera që u lindin në lidhje me pjesëmarrjen në mbledhjet e Administratorëve apo të komiteteve të Administratorëve ose në mbledhjet e Asamblesë së Përgjithshme apo mbledhje të veçanta të zotëruesve të klasave të aksioneve të shoqërisë, si edhe shpenzimet që lidhen me kryerjen e detyrave të tyre.

TITULLI V

DIVIDENDËT DHE KAPITALIZIMI I FITIMEVE

NENI 21 DIVIDENDËT

(1) Pas përmbushjes së kërkesave të Nenit 77 të Ligjit, shoqëria, me anë të një vendimi të kualifikuar, mund të shpallë dividendë në përputhje me të drejtat përkatëse të ortakëve.



(2) Me përjashtim të rasteve kur parashikohet ndryshe nga të drejtat që u lidhen kuotave, të gjithë dividendët deklarohen dhe paguhen në përputhje me shumat e paguara për kuotat në lidhje me të cilët paguhet dividendi. Të gjithë dividendët përpjesëtohen dhe paguhen në përpjesëtim me shumat e paguara për kuotat gjatë pjesës ose pjesëve të periudhës në lidhje me të cilat paguhet dividendi. Por, nëse kuota emetohen me kushtin sipas të cilit dividendit mund të merret duke filluar nga një datë e caktuar, atëherë kuota në fjalë e përfiton dividendin sipas këtij kushti.

(3) Asnjë dividend dhe asnjë mjet monetar i pagueshëm në lidhje me një kuotë nuk mund të fitojë interesa nga shoqëria nëse një gjë e tillë nuk parashikohet në të drejtat që i lidhen kuotës.

(4) Nëse një dividend nuk është tërhequr pas dymbëdhjetë vjetëve nga data kur mund të tërhiqet pagesa, nëse Asambleja e Përgjithshme vendos me vendim të kualifikuar, ky dividend mund të anulohet dhe shoqëria nuk është më e detyruar ta paguajë por ta administrojë atë në formën e miratuar në Mbledhjen e Asamblesë me vendim të kualifikuar.

TITULLI VI PRISHJA DHE NJOFTIMET

NENI 22 PRISHJA DHE LIKUIDIMI

Në rast të likuidimit të shoqërisë, likuiduesi, me autoritetin që i jep një vendim i kualifikuar i Asamblesë së Përgjithshme dhe në përputhje me Ligjin, mund t'u shpërndajë ortakëve të gjithë vlerën ose një pjesë të vlerës së pasurive të shoqërisë dhe, për këtë qëllim, mund t'i vlerësojë pasuritë dhe të përcaktojë se si të bëhet një shpërndarje e tillë midis ortakëve.

NENI 23 BAZA LIGJORE

Shoqëria do të zhvillojë aktivitetin e saj në përputhje të plote me dispozitat e legjislatimit shqiptar. Për sa nuk parashikohet në këtë akt themelimi, do të zbatohen dispozitat e ligjit "Për shoqëritë tregtare", Kodit Civil dhe çfarëdo ligji tjetër specifik në Republikën e Shqipërisë.

NENI 24 DISPOZITA PERFUNDIMTARE

Ky statut u redaktua në 4 kopje me përmbajtje dhe vlera të njëjta juridike, në gjuhën shqipe dhe pasi miratohet në parim dhe nën per nen nga Ortaku themelues i shoqërisë tregtare "HE-IN INVEST" shpk, dhe nënshkruhet në të gjitha kopjet duke vendosur në fund emrin, mbiemrin dhe firmën e tyre origjinale.

SHOQËRIA "HE-IN INEST" SHPK

ORTAKU I VETEM: ARIOLA HYSA